



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05/01-04-32187-11/20
Sarajevo, 24.09.2020. godine

SKUPŠTINA KANTONA SARAJEVO

- o v d j e -

n/r Mirza Čelik, predsjedavajući

PREDMET: Dostava odgovora na zastupničko pitanje - zastupnik Elvis Vreto

Zastupnik u Skupštini Kantona Sarajevo Elvis Vreto, na 28. Radnoj sjednici Skupštine Kantona Sarajevo, održanoj 20.08.2020. godine, u okviru tačke Dnevnog reda "Poslanička/zastupnička pitanja, inicijative i odgovori" u skladu sa Poslovníkom Skupštine Kantona Sarajevo, pokrenuo je zastupničku inicijativu, kako slijedi:

"Na osnovu člana 106. Poslovníka Skupštine Kantona Sarajevo ("Službene novine Kantona Sarajevo", broj 25/10,14/11, 19/11, 7/12, 26/12), Vladi Kantona Sarajevo, tačnije resornim ministarstvima i ustanovama upućujem inicijativu za uređenje područja Dolina u MZ Rakovica kao i da se razmotri da taj lokalitet postane dio zaštićenog područja KS kojim bi upravljanje i održavanje prešlo u nadležnost JU za zaštićena prirodna područja, a sve nakon uređenja.

Obrazloženje

Navedeni lokalitet je prava oaza mira, relativno blizu grada na gotovo 700 metara nadmorske visine, pod nadležnošću KJP 'Sarajevo-šume', proteže se na 190 hektara, a ipak, malo je onih koji dolaze zbog ne iskorištenog potencijala, zbog toga što nije uređeno, bolje rečeno bukvalno je zapušteno područje zadnjih godina. Rakovica je, naime, oduvijek uglavnom poznata kao vikend naselje. Ljepota tog prostora nameće pitanje koliko sličnih istinskih bisera prirode postoji diljem Bosne i Hercegovine koji ostaju neistraženi i zaboravljeni. Ambijent upotpunjava čak 30 raznih drvenastih vrsta, borova šuma koja dominira uz blizu osam kilometara potencijalne staze za šetnje, biciklizam i jahanje konja obzirom na blizinu ergele. Na ovom prostoru postoje i četiri izvora pitke vode, stanište je raznih vrsta gljiva. Potrebno je izgraditi nove šadrwane i slična mjesta za odmor. Obnoviti i lovačku kuću koja je u ratu porušena, što otvara iznimne prilike za odmor i uživanje u prirodi. Zaboravljeni prostor treba vratiti u funkciju, te tražim inicijativom da se ideja budući projekt uređenja područja razmotri i prihvati, manje je bitno da li putem trenutnog upravljača Sarajevošume ili da se prostor dodijeli JU za zaštićena područja nakon uređenja i stavljanja u funkciju."

ODGOVOR:

Uspostava zaštite prirodnih područja vrši se u skladu sa relevantnim dokumentima prostornog uređenja, u kojima se utvrđuju i granice istih. Konkretno, u Kantonu Sarajevo prirodne



cjeline/područja su definisani Prostornim planom Kantona Sarajevo za period 2003. do 2023. godine ("Službene novine Kantona Sarajevo", br. 26/06, 4/11 i 22/17), a procedura proglašenja zaštićene prirodne vrijednosti provodi se u skladu sa odredbama Zakona o zaštiti prirode Federacije BiH ("Službene novine Federacije BiH", broj 66/13).

Članom 145. pomenutog Zakona propisano je, da se prirodno područje proglašava zaštićenim na osnovu zakona, koji se zasniva na stručnom obrazloženju kojim se utvrđuju vrijednosti područja ili komponente prirode koja se predlaže za zaštitu, način upravljanja tom prirodnom vrijednošću, ocjenu i izvore potrebnih sredstava za provođenje mjera zaštite i dr.

Inače, priprema prijedloga za zaštitu i očuvanje prirodnih vrijednosti je u nadležnosti Kantonalnog zavoda za zaštitu kulturno-historijskog i prirodnog naslijeđa Sarajevo, koji je zajedno sa ovim Ministarstvom nadležan za poslove zaštite prirode na području Kantona Sarajevo. Takođe, Zakonom je definisano, da se uspostava zaštićenih područja može provoditi uz saglasnost općinskih vijeća na čijim teritorijama se prema prostornom planu prostire područje.

Kada je u pitanju konkretno područje Dolina u MZ Rakovica, isto nije u sastavu prirodnih cjelina utvrđenih Prostornim planom Kantona Sarajevo, a za koje bi se shodno Federalnom Zakonu o zaštiti prirode mogla pripremiti stručna podloga i provesti neophodna procedura zaštite.

S druge strane, budući da predmetnim lokalitetom upravlja KJP "Sarajevo-šume", a da je Zakonom o šumama ("Službene novine Kantona Sarajevo", broj 5/13) propisana mogućnost zaštite šuma i njihovih funkcija, mišljenja smo da zastupničku inicijativu treba sagledati u kontekstu primjene navedenog kantonalnog propisa iz ove oblasti.

Na kraju, imajući u vidu da je inicijativa upućena i Kantonalnoj javnoj ustanovi za zaštićena prirodna područja, u prilogu dostavljamo odgovor Ustanove sa aspekta upravljača već proglašenih zaštićenih prirodnih područja.

S poštovanjem,

MINISTAR

Faryk Kapidžić, dipl.ing.arh.

Prilog:

- Dopis Ustanove broj:06-1-503/20 od 08.09.2020.godine

Dostaviti:

- Naslov
- Služba za skupštinske poslove
- Sekretar Vlade Kantona
- Evidencija
- a/a





KANTON SARAJEVO
Kantonalna javna ustanova
za zaštićena prirodna područja

CANTON SARAJEVO
Cantonal Public Institution
for Protected Natural Areas

Broj: 06-1-503/20
Sarajevo, 08.09.2020. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja, građenja i zaštite okoliša Kantona Sarajevo
Sektor zaštite okoliša
Ulica: Reisa Dž. Čauševića broj 1
71 000 Sarajevo

PREDMET: Odgovor na zastupničko inicijativu dostavlja se

Dana 27.08.2020. godine Kantonalna javna ustanova za zaštićena prirodna područja je zaprimila dopis broj: 01-04-32187-11/20 od 25.08.2020. godine sa zastupničkom inicijativom zastupnika u Skupštini Kantona Sarajevo Elvisa Vrete.

Zastupničkom inicijativom se inicira "uređenje područja Dolina u MZ Rakovica kao i da se razmotri da taj lokalitet postane dio zaštićenog područja Kantona Sarajevo kojim bi upravljanje i održavanje prešlo u nadležnost JU za zaštićena prirodna područja, a sve nakon uređenja".

Tim povodom, dostavljamo sljedeći:

O d g o v o r

Kantonalna javna ustanova za zaštićena prirodna područja shodno članu 3. Odluke o osnivanju Kantonalne javne ustanove za zaštićena prirodna područja ("Sl. novine Kantona Sarajevo", broj 31/17) **upravlja s već proglašenim zaštićenim prirodnim područjima Kantona Sarajevo**, a to su Spomenik prirode "Vrelo Bosne", Spomenik prirode "Skakavac", Zaštićeni pejzaž "Bijambare", Zaštićeni pejzaž "Trebević" i Zaštićeni pejzaž "Bentbaša".

Primarna djelatnost Javne ustanove je zaštita, održavanje i promocija zaštićenih područja i drugih zaštićenih prirodnih vrijednosti u cilju zaštite i očuvanja izvornosti prirode, osiguravanja nesmetanog odvijanja prirodnih procesa i održivog korištenja prirodnih dobara, te nadzora nad provođenjem uslova i mjera zaštite na području na kome upravlja shodno odredbama Zakona o zaštiti prirode („Službene novine Federacije BiH“, broj 66/13).


Procedura utvrđivanja kategorija zaštite prirodnih vrijednosti, postupak proglašenja zaštićenih prirodnih vrijednosti i upravljanje zaštićenim prirodnim vrijednostima su propisani odredbama Zakona o zaštiti prirode, tačnije odredbama čl. 134.-153. Zakona.

Ukoliko se radi o slijedećim kategorijama zaštićenih prirodnih vrijednosti - park prirode, područje upravljanja staništima/vrstama, zaštićeni pejzaži i zaštićena područja sa održivim

korištenjem, kantonalna skupština je nadležna za proglašenje date prirodne vrijednosti, a predlagač je ministarstvo mjerodavno za zaštitu okoliša.

Stoga ova javna ustanova samo upravlja kategorijama zaštite prirodnih vrijednosti koje su proglašene po zakonskoj proceduri i dodijeljene na upravljanje, te nije nadležna za proglašenje.

S poštovanjem,


mr. sci. Osman Delić

Dostaviti:

1. Naslovu
2. Skupštini Kantona Sarajevo
3. Arhivi Javne ustanove